

29898
-12

掌銓題稿

卷二十九之三十一
參罰有司



掌銓題藁目錄

卷之二十九

覆河南撫按叅官疏

覆直隸提學御史叅官疏

覆保定巡撫都御史叅官疏

覆廣東巡按御史叅官疏

覆陝西巡按御史叅官疏

覆山西巡按御史叅官疏

覆浙江巡按御史叅官疏

覆福建巡按御史叅官疏

覆直隸巡按御史叅官疏

覆湖廣巡按御史叅官疏

覆陝西巡按御史叅官疏

覆直隸巡按御史叅官疏

覆四川撫按叅官疏

覆總理河道侍郎叅官疏

覆順天巡撫都御史叅官疏

覆湖廣撫按叅官疏

卷之三十

覆江西巡按御史叅官疏

覆三邊總督侍郎叅官疏

覆直隸巡按御史叅官疏

覆直隸巡按御史叅官疏

覆江西巡按御史叅官疏

覆操江都御史叅官疏

覆山東巡按御史叅官疏

覆山東巡按御史叅官疏

覆直隸巡按御史叅官疏

覆陝西巡按御史叅官疏

覆河南巡按御史叅官疏

覆直隸巡按御史叅官疏

覆山西巡按御史叅官疏

覆廣東巡按御史叅官疏

覆直隸巡按御史叅官疏

覆浙江巡撫都御史叅官疏

覆福建巡按御史叅官疏

覆直隸巡按御史叅官疏

掌銓題藁卷之二十九

撫按叅官

照常處者
不錄

覆河南撫按叅官疏

看得巡撫河南右僉都御史李邦珍巡按

河南監察御史蔣機各題稱祥符縣知縣

謝萬壽性資剛暴氣量輕浮偏信張弘道

李貴等妄言任用張崇仁等行杖加力擅

用非刑打死無辜蘇仲仁等一十二命論

法本當擬斥但初入仕途在任日淺乞要

姑從改調閑散以全器使一節爲照酷刑

者爲民

國有成例今知縣謝萬壽淫刑以逞打死人命數多其酷甚矣以酷而留其官是廢朝廷之法以酷而調其官是殘他處之民若謂在任日淺情有可惜則人命國法顧不可惜與相應議處合候

命下將謝萬壽照依酷例革職爲民移咨都察院轉行彼處撫按衙門遵照施行庶不乖於紀律亦有警於兇殘隆慶四年三月初三日題初五日奉

聖旨謝萬壽着爲民

覆直隸提學御史叅官疏

看得提督學校巡按直隸監察御史陳省論劾欲要將原任廣平縣知縣今陞陝西漢中府通判張鵬翰罷斥隆平縣知縣周啓東雞澤縣知縣畢元稜獲鹿縣知縣吉來朝改教各一節查得吉來朝巡按巡關兵備本府考註素優難以遽擬改教其張

鵬翰周啓東畢元稜被劾事情俱與本部查訪相同相應通行議擬合候

命下將張鵬翰照不謹事例冠帶閑住吉來朝周啓東畢元稜俱照不及事例起送赴部吉來朝量調簡僻周啓東畢元稜改授教職隆慶四年三月初四日題初六日奉

聖旨張鵬翰着閑住吉來朝等依擬調改

覆保定巡撫都御史叅官疏

看得巡撫保定等處都御史朱大器論劾欲要將任縣知縣林大畜罷斥新安縣知縣李承弼降用各一節爲照本部見行事例凡官員貪者爲民才力不及者酌量調用今知縣林大畜貪婪有跡罷斥固宜其李承弼既有指實之贓則罪亦不在林大畜下今議降謫殊爲姑息與本部調用之例不合槩難依擬合候

命下將知縣林大畜李承弼俱照貪例爲民庶於事理爲當隆慶四年六月初七日題初

九日奉

聖旨林大畜李承弼俱着爲民

覆廣東巡按御史叅官疏

看得巡按廣東監察御史楊標題叅瓊州府知府周思久領憑赴任過違限期乞要量行罰治或姑令策勵供職一節爲照本官始旣違限輒引疾自文旣得議留又復違限欺怠自恣全不知有法度較之初違限者不同相應議擬合候

命下移咨都察院轉行廣東巡按御史將周思久令其起送赴部照例降調別用隆慶四年六月二十七日題二十九奉

聖旨是

覆陝西巡按御史叅官疏

看得巡按陝西監察御史潘民模論劾要將僉事聶瀛致仕副使劉行素改調簡僻兩當縣知縣張效良罷斥寧遠縣知縣文公試灃縣知縣劉羽改教鞏昌府通判楊

叔永降調各一節爲照本部見行事例凡
官員老疾者致仕貪者爲民才力不及者
酌量調用僉事聶瀛素性乖方屢遭降謫
今查自隆慶元年任蘄州知州尋陞今職
中間撫按蕃臬諸臣考語多稱其才節可
用卽如潘民模疏中亦止論其性氣過嚴
事圖規避殊與老疾致仕之例未合其餘
俱與本部查訪相同相應一併酌議合候
命下將知縣張效良照貪例爲民僉事聶瀛副
使劉行素及知縣文公試劉羽通判楊叔
永俱照不及例起送赴部內聶瀛量行降
調劉行素量調簡僻文公試劉羽俱降二
級楊叔永降三級用隆慶四年六月二十
八日題三十日奉

聖旨張效良着爲民聶瀛等依擬降調

覆山西巡按御史叅官疏

看得巡按山西監察御史饒仁侃論劾欲
要將臨縣知縣王士欽罷斥或姑爲降調

閑散繁峙縣知縣楊朗改調各一節爲照
知縣王士欽既有指實之贓貪例自在難
以擬其降調其知縣楊朗被劾事情與本
部查訪相同相應酌擬合候

命下將王士欽照貪例爲民楊朗照不及例改
調簡僻地方仍咨都察院轉行彼處撫按
衙門遵照施行隆慶四年七月初二日題
初四日奉

聖旨王士欽着爲民楊朗改調

覆浙江巡按御史叅官疏

看得巡按浙江監察御史吳從憲題稱兩
浙運司副使今陞南京兵部武庫清吏司
郎中蕭九成貪饕成性穢迹彰聞乞要速
賜罷斥爲民或仍提問追贓一節爲照蕭九成

昔由蜀臬論降今官素善彌縫倖陞郎署
乃今贓私大露法例有在難以姑容旣該
巡按御史吳從憲叅劾前來相應依擬合
候

命下移咨都察院轉行浙江巡按御史將蕭九成行提到官查審前贓是實照數嚴追貯庫依律問遣以爲貪肆者之戒仍將追問過緣由徑自具奏施行隆慶四年七月初三日題初五日奉

聖旨蕭九成革了職着巡按御史提問具奏

覆福建巡按御史叅官疏

看得巡按福建監察御史蒙詔論劾欲要將延平府大田縣知縣李校罷斥仍行提問建寧府浦城縣知縣潘玉潤漳州府長泰縣知縣唐珊罷斥各一節爲照知縣李校以酷濟貪固當提問潘玉潤唐珊贓罪差簿亦犯貪例似難止議罷斥旣該巡按御史叅劾前來相應一併議擬合候

命下將知縣李校潘玉潤唐珊俱先行革職移咨都察院轉行巡按衙門通提到官查累貪酷情罪是實卽將贓銀照數追貯仍依新例分別究遣不得徇情姑息若中有事

出風聞不的者亦與辯理以服其心毋拘
成案致有虧枉隆慶四年七月十七日題
十九奉

聖旨李校等革職着巡按御史提問具奏

覆直隸巡按御史叅官疏

該巡按直隸監察御史傅孟春題稱隆慶
四年六月初八日夜肅寧縣監禁強賊李
尙素等七名剝牆越獄脫逃叅照知縣任
朝臣禁盜無方竟疎於暮夜所當重加罰
治典史童恩旣無緝捕之畧又鮮擒獲之
功所當嚴加究問且此地與山東接壤彼
疆此界官司難於移文由此入彼盜賊易
於潛踪至於兩省接境之地葛林盛茂之
處更加蒐截用保無虞如各該道府掌印
巡捕等官疎虞養寇致貽民害者聽臣不
時叅究提問等因奉

聖旨該部知道欽此欽遵查得知縣任朝臣於
隆慶四年七月十四日調山西繁峙縣知

縣典史童恩本年六月十八日陞

益府丞盈倉大使通查案呈到部看得知縣
任朝臣典守疎玩致重犯李尙素等越獄
脫逃似應重究但其官聲頗著已經調任
典史童恩併失事人員罪責尤重法難輕
假旣該巡按御史叅劾前來相應依擬合
候

命下將任朝臣重加罰治仍咨都察院轉行巡
按御史將童恩併失事人員通提到官究
問如律具奏

定奪其接壤山東去處盜賊縱橫素爲民害當
幸諸臣彼此推諉殊非一體奉公之義合
行併飭令其互相捍禦緝捕以靖地方如
仍前玩怠疎虞俱聽巡按御史不時指名
叅治等因隆慶四年七月二十九日題八
月初一日奉

聖旨是任朝臣罰俸二箇月

覆湖廣巡按御史叅官疏

看得巡按湖廣監察御史雷稽古論劾欲
要將原任按察司分巡下荆南道副使徐
學謨原任按察司僉事樊倣及長州府通
判胡穆襄陽府通判季文啓漢川縣知縣
張崇德黃安縣知縣李講應山縣知縣龍
希尹長陽縣知縣姚尙賓藍山縣知縣吳
國器廬溪縣知縣曾倬俱罷斥益陽縣知
縣石震提問常德府知府樊垣永州府通
判楊瑩卿降謫零陵縣知縣宋惟馨改教
各一節爲照各官被劾事情俱出有因但
副使徐學謨歷官無議今稱改節似應勘
實以服其心及知縣張崇德龍希尹吳國
器曾倬參論雖有先後然贓數俱多事例
有在豈容止議罷斥相應一併酌擬合候
命下咨都察院轉行該省撫按官將副使徐學
謨先行革職仍將前項事情從公勘明具
奏定奪僉事樊倣及通判胡穆季文啓知縣
李講姚尙賓俱照貪例爲民石震與張崇

德龍希尹吳國器曾倬通行巡按御史提
究贓私下落依例追遣知府樊垣通判楊
瑩卿知縣宋維馨俱起送赴部降調閑散
及改授教職隆慶四年八月十一日題十
三日奉

聖旨是徐學謨革職聽勘樊倣等着爲民石震
張崇德等巡按御史提問具奏樊垣等依
擬降改

覆陝西巡按御史叅官疏

看得巡按陝西監察御史楊相題叅陝西
行太僕寺寺丞王文學偏執冥憐擅離職
任乞要照依在逃事例罷職或原情候降
一節爲照王文學離任在先丁憂在後當
以逃論但查毋故與離任之日相連則本
官乃是急於省毋與無故而逃者不同情
有可原相應酌擬合候

命下行令本官候服闋日起送赴部量降一級
別用員缺先行銓補仍咨行撫按衙門查

照施行隆慶四年十月初十日題十二日奉

聖旨是

覆直隸巡按御史叅官疏

看得巡按直隸監察御史傅孟春論劾欲要將滿城縣知縣周思大革職提問一節爲照周思大奸以飾詐酷以濟貪旣該巡按御史叅論前來相應依擬題

請合候

命下移咨都察院轉行巡按御史將周思大先行革職仍行提到官究問前情果係明白卽照新例處分隆慶四年十月二十八日題十一月初一日奉

聖旨是周思大革了職着巡按御史提問具奏覆四川撫按叅官疏

看得巡撫四川等處地方都察院右僉都御史陳瓚巡按四川監察御史王時舉各題叅彰明縣劫庫失銀欲要將知縣熊守

教典史惠恩提問革職僉事李復聘量加
罰治原任右叅政郭斗旣駐省城且已陞
各一節爲照叅政郭斗旣駐省城且已陞
任似應免究僉事李復聘旣有地方之責
難免怠玩之愆知縣熊守教典守旣疎捍
禦無策典史惠恩職專巡捕罪益難逃合
無照依所擬除郭斗免究外李復聘量加
罰治熊守教惠恩俱革職提究如律該縣
員缺先行銓補其未獲賊犯仍咨兵部轉
行嚴督所司立限緝捕務要盡獲以正法
典完日具本回

奏恭候

命下移咨都察院轉行彼處巡按御史查照施
行隆慶四年十一月初九日題十一日奉
聖旨李復聘罰俸一箇月熊守教惠恩革了職
着巡按御史提問具奏

覆總理河道侍郎叅官疏

看得總理河道兼提督軍務都察院右副

都御史今陞兵部左侍郎翁大立論劾欲
要將山東淄川縣知縣和格河南桐栢縣
知縣徐潤考城縣知縣安民俱改教山東
霑化縣知縣郭獻民武城縣知縣彭標河
南沈丘縣知縣戴乾俱罷黜一節除知縣
彭標已奉

欽依致仕無容別議外爲照和格贓私旣露難
容改教今該河道衙門併各官不職情由
叅論前來相應議擬合候

命下將和格仍與徐潤安民照素行不謹劾郭
獻民戴乾照罷軟無爲例俱冠帶閑任員
缺各另銓補并入考察之數日後不許蚤
緣起用移咨都察院轉行撫按衙門查照
施行隆慶四年十一月十八日題二十日
奉

聖旨是和格等郭獻民等都着冠帶閑任

覆順天巡撫都御史叅官疏

看得整飭薊州等處邊備兼巡撫順天等

府地方都察院右副都御史劉應節題稱
武清縣知縣龐賢志頽事廢日醉沉迷脩
城縱下人賈夫勘災憑催促未報盜賊縱
橫於國門坐視不問老稚展轉於溝壑塞
耳無知相應降調以示曲全或姑容戒飭
俾知警省一節爲照縣令職司保陣而武
清地屬衝疲今龐賢乃敢嗜酒廢事縱賊
容奸職守旣弛地方何賴旣該撫臣叅劾
前來似難止議戒飭合候

命下將龐賢照才力不及事例起送赴部降調
閑散仍入考察之數員缺另行銓補等因
隆慶四年十一月二十一日題二十三日
奉

聖旨是龐賢依擬降調

覆湖廣撫按叅官疏

看得巡撫湖廣等處地方兼贊理軍務都
察院右僉都御史劉慤巡按湖廣監察御
史雷稽古會題要將原任蒲圻等縣知縣

毛彬竇如蘭夏子諒馬逢伯崔大壯王騰
溪免其起送姑照劉朝傑事例遇有本省
知縣員缺添註某州判官職銜管理某縣
事務一節爲照知縣毛彬等俱經戶部題
奉

欽依降調似難輕議但彼處撫按官稱其操守
政事俱無可議止以積穀一事置之別用
不無可惜若議降州判管理縣事恐人心
怠玩難以展布既經撫按官會題前來相
應議處合候

命下將毛彬等各降俸二級仍以知縣管理後
開各縣事務本部給憑行令到任管事隆
慶四年七月二十四日題二十六日奉

聖旨是

掌銓題稿卷之三十

撫按叅官

照常處者不錄

覆江西巡按御史叅官疏

看得巡按江西監察御史劉思問題叅饒
州府同知張從律縱脫聽問贓官行文掩
飾通判程一夔受賄不行解發乞要將張
從律降調閑散程一夔仍行提問典史吳
璉行原籍巡按御史提問各一節爲照吳
璉貪肆害人旣經巡按御史提問張從律
乃不嚴行解發以致中途逃脫且又妄行

文移掩飾已過足見本官昏庸狂肆全無
任事之誠若程一夔署印又在張從律未
到之先使早問結何緣有此既經巡按御
史論列前來相應議處合候

命下將張從律仍以通判降調閑散程一夔聽
巡按御史提問有無情弊奏處典史吳璉
仍行原籍巡按御史提問歸結庶法紀彰
明人知儆畏隆慶五年三月二十八日題
三十日奉

聖旨是

覆三邊總督侍郎叅官疏

看得總督陝西三邊軍務都察院右都御
史兼兵部左侍郎王之誥論劾欲要將白
河縣知縣郭嘉文改教寶鷄縣知縣劉闊
革任提問各一節除郭嘉文才力懦弱相
應依擬改教無容別議外爲照知縣劉闊
歷年撫按考語俱未有言其操守敗壞者
今王之誥叅論明稱據陞任僉事栗魁周

揭帖魁周係按察司官既知劉闕賊私狼藉便當徑自拿問何乃去後方行具揭臣等因訪得劉闕性氣乖方傲慢上官栗魁周曾行戒飭闕頗懷恨魁周恐去後爲所媒孽故有此揭則闕之情固可惡而原其本罪似宜止于降調合候

命下姑將劉闕降雜職以示懲斯於情理允當
隆慶五年五月初二日題初四日奉

聖旨是

覆直隸巡按御史叅官疏

看得巡按直隸監察御史劉世曾論劾欲要將原任徽州府知府今降山東都轉運鹽使司同知段朝宗罷斥石埭縣知縣李子躍改教青陽縣知縣龔鳴鸞調用各一節爲照知府段朝宗先該本部考察才力不及已經降用今旣贓跡敗露難以復留知縣李子躍性懦才昏吏胥縱肆有司非其所長知縣龔鳴鸞任雖半年然才庸性

躁若從調用則他處何以堪之均當議處
合候

命下將段朝宗冠帶閑任李子躍龔鳴鸞俱改
教職各缺另行銓補隆慶五年八月三十
日題九月初二日奉

聖旨是段朝宗着冠帶閑任李子躍龔鳴鸞俱
改教

覆直隸巡按御史叅官疏

看得巡按直隸監察御史蔡應陽論劾欲
要將淮安府通判高一飛致仕鳳陽府通
判張永廉安東縣知縣陳敦質罷斥英山
縣知縣葉世行降調閑散五河縣知縣黃
應龍改教各一節爲照

國家事例老疾者致仕貪酷者爲民不謹者
冠帶閑任今通判高一飛衰庸廢事正合
老疾之科所當致仕其通判張永廉老而
且貪知縣陳敦質貪而且酷葉世行亦多
入已之贓皆合貪酷之科所當爲民不止

罷斥知縣黃應龍才昏而守亦欠潔正合
不謹之科所當閑任不應改教合候

命下將高一飛致仕張永廉葉世行陳敦質俱
革職爲民黃應龍冠帶閑任員缺各另補銓

隆慶五年九月初一日題初三日奉

聖旨高一飛着致仕張永廉等爲民黃應龍冠
帶閑任

覆江西巡按御史叅官疏

看得巡按江西監察御史劉思問論劾欲
要將瑞昌縣知縣石元鏜罷斥袁州府通
判皮汝謙永新縣知縣萬一龍調簡各一
節爲照知縣石元鏜衰年貪得酌酒廢事
不可使居民牧通判皮汝謙雖操守未壞
而才識昏庸不閑吏事卽調簡僻亦所不
堪均當議處合候

命下將石元鏜照貪例革職爲民皮汝謙萬一
龍量調閑熬隆慶五年九月初五日題初
七日奉

聖旨石元鏌着爲民皮汝謙萬一龍調閑散用
覆操江都御史叅官疏

看得提督操江兼管巡江南京都察院右
僉都御史陳省論劾欲要將鳳陽府通判
張永廉罷斥淮安府通判高一飛致仕毫
州知州劉光奕英山縣知縣劉世行降調
閑散原任銅陵縣知縣今陞廣州府同知
翁金堂以原官改調靈璧縣知縣盛意以
今職改調五河縣知縣黃應龍改授教職
一節除通判張永廉高一飛知縣葉世行
黃應龍已經奉有

欽依無容再議外爲照知州劉光奕旣貪且酷
難擬降調同知翁金堂心術險側所當懲
抑知縣盛意性乖耳輟民牧非宜難擬原
官改調旣經論劾前來相應酌處合候

命下將劉光奕照貪酷例爲民翁金堂以原職
改調盛意以今職改教隆慶五年十月初
二日題初四日奉

聖旨劉光奕着革職爲民翁金堂盛意依擬

覆山東巡按御史叅官疏

看得巡按山東監察御史張士佩題叅齊河縣知縣陳天策營求薦剡鑽刺通天乞要亟議罷斥一節爲照知縣陳天策敢倚錢神營求薦舉卽其肆無忌憚若此則其操持盡壞可知旣經叅論前來相應重處合候

命下將陳天策先革職爲民仍行巡按御史嚴提究問具奏隆慶五年十月初十日題十二日奉

聖旨陳天策革職爲民着巡按御史提問具奏覆山東巡按御史叅官疏

看得巡按山東監察御史張士佩論劾欲要將分巡濟南道僉事高克謙量調簡僻莒州知州李思忠樂安縣知縣吳一龍罷斥陽穀縣知縣徐民望改教各一節查得見行事例才力不及者調用貪者爲民老

疾者致仕爲照僉事係風憲之官省會乃
衝繁之地高克謙才識旣劣正合不及之
例知州李思忠知縣吳一龍操守大壞正
合貪例不止罷斥知縣徐民望兩目不明
正合有疾例難以改教旣經巡按御史叅
劾前來相應議處合候

命下將高克謙改調簡僻李思忠吳一龍爲民
徐民望致仕隆慶五年十月初十日題十
二日奉

聖旨李思忠吳一龍着爲民徐民望致仕高克
謙改調

覆直隸巡按御史叅官疏

看得巡按直隸監察御史蘇士潤題叅河
間府同知管通州事劉耀武庫藏盜銀近
四千兩了無稽查縱容吏書侵隱恬不舉
發誠恐中有隱漏遽難定擬乞要先行革
任勘問一節內除估造庫藏專設官吏稽
查戶工二部文卷革去州縣庫子改撥吏

農以清弊源各一節戶部徑自議覆外爲
照同知劉耀武縱容庫役吏胥侵盜官銀
近四千兩中間恐有侵漁情弊其罪不止
罷官旣經巡按御史蘇士潤查劾前來法
當重處合候

命下先將劉耀武革職爲民仍行巡按御史嚴
提究問併合干人犯文卷詳查明白擬罪
具奏隆慶五年十月二十五日題二十七
日奉

聖旨是劉耀武着革職爲民巡按御史提問具
奏

覆陝西巡按御史叅官疏

看得巡按陝西監察御史褚鈇題叅原任
廣西按察司副使陞陝西苑馬寺卿鄭一
龍規避遷延怠廢官常乞要革任閑任陝
西按察司僉事陞本寺少卿馬文健過違
憑限量加罰治惟復仍行提問各一節爲
照苑馬寺卿鄭一龍久曠官守法不容恕

少卿馬文健因公耽悞情有可原既該巡按御史論劾前來相應酌處合候

命下將鄭一龍先行革任仍咨都察院劄原任地方御史查勘具奏定奪馬文健姑免罰治其鄭一龍缺卽行銓補隆慶五年十一月初八日題初十日奉

聖旨是

覆河南巡按御史叅官疏

看得巡按河南監察御史楊家相論劾欲要將歸德府知府羅大玘罷斥原任尉氏縣知縣今調四川什邡縣韓天衡改調閑散原武縣知縣李召改教各一節爲照知府羅大玘才識昏庸貪酷顯著知縣韓天衡雖經改調贓跡著聞俱難復留知縣李召性旣罷軟守亦欠潔何以令其司教旣該巡按御史楊家相論劾前來相應議處合候

命下將羅大玘韓天衡俱照貪例爲民李召照

不謹例冠帶閑任員缺各另銓補隆慶五年二月初八日題初十日奉

聖旨羅大玘韓天衡着爲民李召冠帶閑任

覆直隸巡按御史叅官疏

看得巡按直隸監察御史余希周論劾欲要將原任密雲管餉河間府通判今聽調史篆查照貪例罷斥爲民薊鎮管餉永平府通判王建降調各一節爲照通判史篆贓私顯著旣難復留通判王建素常例以償私債操守亦屬可議難擬降調旣該巡按御史余希周叅劾前來相應酌處合候命下將史篆照貪例爲民王建照不謹例冠帶閑任員缺各另銓補隆慶五年十二月十九日題二十一日奉

聖旨史篆着革職爲民王建冠帶閑任

覆山西巡按御史叅官疏

看得巡按山西監察御史饒仁侃論劾欲要將潞城縣知縣鍾爵樂平縣知縣侯維

藩罷黜平陸縣知縣費桂嵐縣知縣劉家
相降調石樓縣知縣嚴國寵臨縣知縣李
從誨改教各一節爲照知縣鍾爵侯維藩
各賊私狼藉俱難復留其費桂劉家相任
雖不久而操持已壞不當止於降官李從
誨既有指實之賊自有貪例嚴國寵守雖
未污而才腐力衰自有罷軟例何以改教
旣經巡按御史饒仁侃論劾前來相應議
處合候

命下將鍾爵侯維藩李從誨照貪例爲民費桂
劉家相照不謹例嚴國寵照罷軟例冠帶
閑住員缺各另銓補隆慶五年十二月十
九日題二十一日奉

聖旨鍾爵等着革了職爲民費桂劉家相并嚴
國寵俱冠帶閑住

覆廣東巡按御史叅官疏

看得巡按廣東監察御史趙焯論劾欲要
將南雄府通判王柯新興縣知縣鄧應平

罷斥恩平縣知縣趙文祥降調閑散瓊山
縣知縣王國相海康縣知縣李邦奇改教
各一節爲照通判王柯知縣鄧應平俱各
贓私狼藉正合貪例知縣趙文祥扣尅兵
糧受財縱法操守旣壞亦合貪例不得止
於降官知縣王國相縱親友出外貸故人
買貨合不謹例不得止於改教知縣李邦
奇吏事不通而蒞任尙淺則合不及之例
者也旣該巡按御史趙焯論劾前來相應
議處合候

命下將王柯鄧應平照貪例爲民趙文祥王國
相照不謹例冠帶閑任李邦奇照不及例
赴部降改員缺各另銓補隆慶六年正月
初八日題初十日奉

聖旨王柯鄧應平着革職爲民趙文祥王國相
冠帶閑任李邦奇降改

覆直隸巡按御史叅官疏

看得巡按直隸監察御史郭莊論劾欲要

將池州府建德縣知縣羅元士罷斥爲民
安慶府望江縣知縣李孟彰閑任各一節
爲照知縣羅元士操守大壞正合貪例知
縣李孟彰已成廢疾正合老疾例旣該巡
按御史郭莊論劾前來相應議處合候
命下將羅元士照貪例爲民李孟彰照有疾例
致仕員缺各另銓補隆慶六年正月初八
日題初十日奉

聖旨羅元士着革職爲民李孟彰致仕

覆浙江巡撫都御史叅官疏

看得提督軍務巡撫浙江等處地方都察
院右副都御史今陞戶部左侍郎郭朝賓
論劾欲要將遂昌縣知縣鄭惇典龍泉縣
知縣翁瑩閑任台州府通判梅元豐改教
奉化縣知縣高應暘降調各一節爲照知
縣鄭惇典翁瑩俱各贓私狼藉正合貪例
不止閑任通判梅元豐雖稱才守俱劣而
贓無實跡知縣高應暘雖稱科罰數多而

賦非入已查各歷年賢否梅元豐有力懲
刁豪兩邑改觀之考未宜改教高應賜有
任怨不避衆令最賢之考未宜遽捨旣該
巡撫都御史郭朝賁劾前來相應議處
合候

命下將鄭惇典翁瑩俱照貪例爲民梅元豐高
應賜俱照不及例起送赴部降用員缺各
另銓補隆慶六年二月初五日題初七日
奉

聖旨鄭惇典翁瑩着爲民梅元豐高應賜降用
覆福建巡按御史叅官疏

看得巡按福建監察御史杜化中題叅泉
州府同知丁一中考察回任部限久違似
當罷職但據司府勘稱本官入

覲事竣順便給由回任雖已逾期難與應

朝例論且中途病阻情真乞要姑行問罪一
節爲照朝

覲官回任違限一月者問罪兩月之上送部別

用三月之上罷職不叙

明例甚嚴同知丁一中限違五月例該罷職據

稱考察後給由聽候二月終引

奏三月辭

朝以致稽遲查得本部舊例考察存留官給

由卽同稱職例不引

奏本官於隆慶五年正月十七日同知府劉

廷舉九人給由到部隨卽類付驗封司題

給

